

丁戌之閒行卷

丁戌之間行卷

漢壽易順鼎寶甫

古今體詩

三月三日我如世丈招同諸君往遊龍岡余以疾未赴口

號十章志悶卽呈

戊寅上巳兼清明。愁似一江春水生。余侯招我城西行。我辭以疾行不得。茶煙藥煙成一國。禪榻東風忽如客。

余侯剪政何優優。講院重闢龍岡頭。絃歌已被武城化。簪履更延文苑儔。父老佗年話遺事。峴山之泪同千秋。

座中元卿號詩虎。華陽巾色春雲古。字字清新庾開府。蜀

山萬里啼杜鵑。君歸未得空裏議。

次香自號裏童子

夢岑汪洋度最勝。夢巖跌宕才不羈。齊年更得藥峰子。萬里來作榕人師。此數子者龍鷹姿。盛年意氣青雲梯。欲往

甚矣嗟吾衰

何君解酲常五斗。楊生得酒如得友。此時一空醅與糟。痛飲豈必歌湘騷。千金難買一酩酊。賤子何爲成獨醒。有弟有弟瘦嗟早。纔說遊山意先造。得參末座幸已多。怕損華年飲須少。阿兄正夢西池草。

鼎也生平真可憐。京華兩度清明天。會上孤亭望鄉國。斜陽一綠心茫然。苦求進士終未進。倦遊偏值文園病。生與東風不同命。

江村翠竹連白沙。冥冥細雨吹瀟花。諸君得句方籠紗。小樓溼翠天一涯。酒邊鄭重春寒加。

君不見見壞廬黝蝶飛周遭。暝煙昨夜然鬼桃。白楊人語聲飄蕭。紙錢拉雜風中燒。兒孫幾家尚麥飯。賢聖萬古皆蓬蒿。

蒿有酒不飲心徒勞

人生能著幾兩屐。今日之日誠堪惜。欲待何時昏嫁畢。諸君倘作修稷篇。賤名願附文中傳。此客此山俱萬年。

病起

病起閒階竹霧籠。園虛坐怯晚來風。谿流過雨三分長。野燒連山一半童。嗟苦暑憑花氣養。夢幽微覺鳥聲通。年來嚼蠟真堪笑。藥碗纔知味不窮。

讀林穎叔方伯乙丑歲題家君秦役草後五古一首因疊其韻時林方以事罷官

林侯筆崢嶸。勇敢無與敵。

用原句

沈思忽徑達。奇采必深匿。

當其浩歌時。寸態風雨窄。關中昔開藩。王事方孔棘。十載臣鬢霜。三秦陣雲墨。爲詩似爲政。一往持定力。黃河秋空

聲太華夜碧色。文章見忠肝。卽事願披瀝。青天鬱孤鵬。赤
縣叢百膳。顧瞻蒼生癯。中夜起太息。再辭東山居。一雨西
郊滌。化言誰上控。偉抱竟中勒。羣蜚雖刺天。二告始罷織。
清時需鳳馨。私論戒狐蜚。終當廻重光。照此千尺壁。家尊
秦役嗟。舊雨話增感。側身九州內。并溲同不食。秋風漢南
營。回首思殺賊。侯詩題卷首。厚望垂天翼。行間雜歌哭。君
國感所集。如何醫國手。江頭老泚澣。讀史行自知。賢豪有
遷謫。

寄王雪湛筑垣疊前所倡和餼字韻

謀國噫斗筭。謀家嘒石甌。鵲衣謠先王。同學或中紉。寶馬
不戀粟。萬里窮途暗。歸來鍵其廬。寸夢九州勸。君才如月
盈。偶缺天所鑿。帝臣王佐事。多取孰云慍。儒冠苟虛生。貧

賤亦已濫。悲歌非道氣。恐有榮利瞰。繁余病廢學。伏枕心
煩懣。結習徂文字。未共世緣澹。詞章卽能工。畫餅焉可啗。
努力共飛鉗。行將上書三。

疊前韻奉寄羅質僉儀部貴竹

孤煙亘且蘭。山國小於觚。傳烽三千年。人鬼氣盡緝。萬家
墮瘴綠。犬吠榕葉暗。日飛愁未到。天老鬱誰勘。見君龍鬚
姿。鱗羽虹赭盤。乃悟取鬼方。非關武丁慳。此才不上國。奇
秀鐘毓濫。平生九州目。忽忽向西轍。君家夜郎天。獨立了
無憺。青雲致身早。白月印胷澹。官閒寡所効。寸祿愧飲啜。
北望京華塵。因君太息三。

短籬

野光忽漏短籬出。塵事不關幽興賒。春水平腰脫竹粉。夕

陽四角烘藤花。一螢明滅補其空。數蝶來往依爲家。今日之日宜飲酒。得過且過還種瓜。

代書寄閩象斐同年貴州藩署三首

春愁如海重簾遮。與君共看豐臺花。秋夢連江一篷守。與君同載湘門酒。榜人夜語空潭煙。此時二客俱未眠。紅燭青尊話蕭瑟。五更霜氣催華顛。賈傅祠前舊明月。照人黯黯孤帆發。唵魂知隔幾層潮。煙水蒼茫呼不得。灘聲迸落天上高。與君各聽滄江濤。三峽淒猿五湖雁。入秋土耳皆離騷。船牕消受西風冷。回首歡場酒都醒。水邊樓閣忽無鐙。絕似斜街歸路暝。余與象文俱買棹爲黔中之遊。象文先一夜開帆沿路追呼。竟不能及矣。東風漲綠搖蠻天。竹王祠屋榕陰連。萬山斜日尋夢到。有人獨立聽啼鵲。此時此客心茫然。鵝笙吹雲雲欲病。闌干

一角天。花雨重簾護曉寒。藥煙半榻消春困。此客此時心入定。

杪秋憶奉黔江書。故人歲晏方華余。愁病經春始作報。寸
豪萬汨相縈紆。叔雅飄零德生死。紫宸奉諱初歸里。幾人
京國幾江湖。我輩相思天尺咫。黃生昨者一字無。狂蹤豈
念高陽徒。驚世才名自落落。驕人科第徒區區。十載高歌
楚天賓。橫行濶視曾無敵。庸才李蔡坐封侯。老我山中甘
射石。如君豈是蓬蒿人。朱門擁鼻啞酸辛。文章意氣非草
草。曾見青雲致身早。他日休忘車笠好。

口號五韻題夢巖松鶴畫扇

鳳鳥不可見。丹山空暮霞。塵中矯孤鶴。瞥眼松陰遮。青霄
汝位業。豈戀山人家。巢當巢珠樹。餐亦餐瑤華。上有五色

雲下有千春花

隊馬行戲爲藥峰作

君不見金張七貴喧都邑。冠蓋如山洛陽陌。鞭聲遙動馬
頭塵。市上萬人皆屏息。又不見五陵年少騎青驄。銀鞍壓
重春隄風。白日在西霞在東。桃花馬色連天紅。龍岡先生
行破蹕。倦著藍衫肄宵雅。無車漫賦歸來乎。有馬難逢借
乘者。使君我如假馬先生便。平誰知馬意不謂然。矯頸孤
鳴忽離地。攫身一躍將騰天。豈有儒冠成裏革。生還隱得
詩書力。血痕半挂頰虹蜺。面色全堆墨雲墨。男兒意氣思
橫戈。夢中所陣收關河。生王頭顱死士骨。半自馬上飛行
過。草風夾路吹瘡緊。多少雄心爲君冷。儒書坐讓虎頭開。
倚笛翻憐牛背穩。不乘款段田間驢。不作局促轅下駒。怕

首尚欲東禽胡。吁嗟乎人生憂患無地無。願君慎保千金軀。

雜詩

侈口說忠孝。內行詎足徵。然果聽者勸。何必言者懲。天良彼雖死。百世生猶能。譬如揭竿盜。僞以勤王稱。大聲而疾呼。義士千百應。家談汎舟節。桑濮刪淫烝。戶誇讓畔風。虞芮消侵陵。橫流日趨下。政坐法語騰。空言亦埽地。苦海行無蹤。謾聞與浮豔。從此川方增。風雲月露態。刻畫連篇仍。金玉固玩好。草木徒依憑。其於立言旨。早已相炭冰。鄙夫著紳冕。出吻尤堪憎。平生仕宦味。夢寐常填膺。木本水有源。置念都何曾。虛辭苟載道。萬一凡民興。豎儒動責備。大義誰兢兢。但知君父字。卽是賢豪朋。

西山竟餓死。東陵方善終。善終與餓死。究竟一死同。孰爲
歌哭資。孰爲唾罵叢。弔古多不平。動謂天瞢瞢。豈知鍊石
後。積氣常滿空。正氣毓聖賢。逆氣生奸雄。餘氣造餘子。一
俊千凡庸。雷霆殛庸惡。不殛奸與凶。壽命增庸善。不增孝
與忠。大哉氣運際。天固難爲功。操亮並生時。原在天意中。
藉成治亂局。彌見乾坤公。區區下士智。未足窺蒼穹。擇術
萬年內。何以居微躬。不行心所安。白日眠幽宮。能行心所
安。苦海登神峰。生天匪所計。而況微塵蹤。於理觀其正。於
數觀其通。聖人不問天。君子當固窮。

春興

護與東風自主張。此身閒極覺春忙。適同鷗坐水。俱靜纔
有蝶來花。更香詩骨。倍時疑瘦。鶯文心仙處。愛蒙莊江頭。

莫待飛紅雨。欲訪黃家第四娘。

我如通守贈紅蘭。撞天中。豔品也。戲用十賄全韻作六百字謝之。

西天忽而霞。東風正如海。湘雲紅欲移。榕漲綠初漚。偶然
夜郎流。已有秋士待。豚江青淵濤。屹嶺碧歸峩。林精行躩
踞。崑魄嘯。礪礪。無葩不霍靡。有木但魁癭。傳烽武丁朝。梗
化恭已載。殃徒幫掩翳。蕩姐帕覆髮。分三生王頭。尺八死
士骸。避兵雲封梯。所陣日挂鎗。狼煙亘孤赭。靈霧迷疊離。
先聲敵吹笳。餘勇卒舉礪。驕蛇飽眠箒。病馬飢齧菹。微馨
皆竄幽。嫩質輒濱殆。鸞翎閉襦褌。鳳翼拘屨屨。叢菅懷攢
空。灌莽紛積猥。盆甕堆牛溲。刀貼擲魚鰕。腥聞蹤轉稠。芳
闌意先餒。那冀十步逢。徒念三秀采。開簾香祖投。拱壁神

君賄披榛繁豔呈。倚竹峭寒改。拜嘉竟分憂。失喜罷支頰。
赤螭降浦靈。朱虎升庭愷。頰潮水仙醒。血浪山鬼醺。玉氣
中網緼。虹身外痲癢。初疑嶺南豆。滿貯宋臣櫬。繼疑隴西
梅。堪調殷后饔。臺殊瓜離離。畝類蕙每每。句喃丹穴桐。分
泪黃陵憇。奪赤節士必。還丹美人在。赫赫陳如茶。陳此三
千鎰。纍纍貫如珠。貫此五百珎。如縣隋侯珍。殿榭玉光璫。
如探葛仙沙。洞壑石勢颯。眼明咤奇姿。身晦惜眾彩。昔聞
屈子遷。曾怨高辛詒。何因竄三苗。豈亦罹四罪。當門計本
誤。空谷志甯悔。九死依竹王。餘生付荃宰。形容久枯槁。遭
際誠膠魄。赭衣舊囚奴。朱紱新僚案。北渚欣賜緋。南陔快
嬉綵。刮磨表澄瑩。振刷出萎腴。爾非飾厚貌。詎復容色儼。
爾非盜虛聲。詎復名節濯。沐薰主恩優。滌盪士氣倍。使君

澤流棠爲政。霆厥蠶能從鄉賢後。遠紹歐陽顒。能從蠻獠
中。早識慕容廆。卽茲卉芻彪。足見春蕩豔。宜貯金屋蘭。更
築瓊樓嵬。秋江夢幽叢。夏屋謀爽塏。三百日太常。廿五年
季隗。誰云未知已。相看辰至亥。朱唇或粲然。素心兼啟乃。
慎勿同春花。行恐風信怠。慎勿同秋葉。坐被霜色給。絳難
嫌雪消。緇肯洛塵浼。蠻語貢姬隅。貉謠效猥欵。未可爲艾
蕭。申之以蘅茝。

憐余

東風兼夕夢。聽綠入瀟湘。有水皆蘋意。無山不荀香。草從
哀郢騰。花覺避秦忙。明月湖西屋。憐余舊隱荒。

十九日池上風雨作

欲暝未暝日光匿。似潮非潮風色溼。橋邊竹屋漲欲開。涼

氣爭穿紙窗入。水中亭閣忽動搖。憑闌影與波低高。豈知
眞我固自在。要恃所立能堅牢。誰家小兒抱頭哭。一葉敲
來頭上綠。

近山狂翠奔撲簷。遠山漸失空青尖。此時鴉飛不得過。天
半雨脚垂如簾。春雷蓄勢方隱隱。迸力一聲風破頂。餘威
尚壓花幾重。花膽無多莫驚損。迴身卻走掩鏡光。恐有急
電來搜窗。

壓屋青苔暝光重。舊煙天際來尋夢。雨絲飄過水西樓。瘦
蝶身僵愁不動。孤花池上明如然。畱姿似待餘霞天。片時
風定夕陽出。照影仍在空廊前。難得春晴肯相假。一卷道
書閒更把。

孟存以畱別海棠詩見示。卽依韻奉和其家舊有雜花十

數種兵燹後惟海棠獨存也

輕紅如霧車聲囂。壁月夜夜花朝朝。斜街櫻桃曉露嫩。豐
臺芍藥春雲嬌。海棠最推崇效寺。芳事不減燕宮條。嫩脂
浮丹西日襯。鸚舌攪綠東風調。十里春愁酒樓酒。萬重寶
氣綃宮綃。花神壽佛同供養。粉郎狎客相遮要。淨字翻疑
裏蜀錦。滄江豈意呼吳船。一別禪天綠鬢黯。再來戰地紅
心寥。故人庭葩比燕玉。新篇俊味齊江瑤。無詩堯墳杜母
諱。有色已壓花王驕。轉慨妖氛昔蔓衍。坐令豔質今燕彫。
壞火青然蝶路粉。香魂碧哭獐天標。此獨靈呵獨鬼護。餘
皆玉碎皆香銷。後死居然命可續。先生對此情尤饒。我今
面壁百緣澹。君亦背花千嶺遙。晨妝窺簾宿雨洗。夕夢墮
枕餘霞標。心隨紫玉煙中葬。手寫綠章天上燒。他日逢花

莫孤負。千金寸刻償春宵。

園居雜詩十首

雨後春更幽。吟聲閉花緊。習靜恒掩扉。堅與薄寒忍。餘韻竹響禽。孤行浩氣引。蹤迴知有窮。意涉悟無盡。東風自來去。萬物遂加損。晴雷觸念起。天未來隱隱。一碧忽過牆。泥根迸新筍。

繁葩歎飄謝。啼鵲安能休。騷人惜年芳。歌哭成奇憂。所見何徧仄。若與光景讎。焉知達觀士。元化爲居遊。要以浩蕩懷。隨此天運周。卽目自有悅。豈必千紅稠。當前生理具。得意非冥搜。力存太和氣。功已造物侔。息息萬古春。寸念能相調。

種竹不嫌多。買花不辭費。疊石設高想。鑿泉具深意。每於

三月盡日晨起風雨亭上有作

風色漲天如死灰。電光裂地成驚雷。急雨欲住不得住。此時有人橋上來。荷葉滿溪隨水長。白波堆裏跳珠響。却似浮家向五湖。一船灣入西洲港。

茅屋誰家炊火罷。孤煙涇重愁難化。草風動處夢迷離。冷碧無聲逗牆罅。水田得雨生微波。遙見老牛浮鼻過。便欲移蹤入畫裏。遮頭破傘遮身蓑。

風風雨雨春歸聲。獨立溪上之危亭。歸不分明計誠善。煙光稍媚難爲情。醉眼誰知看不得。模糊認出銷魂色。一園鶯栗那家花。昨日嫩紅今日白。

訂近年詩卷自癸酉至丁丑竟感賦六章

十年舊隱問湖濱。唱到煙騷許卜隣。桂樹秋山哀郢地。桃

花春水避秦人。微波略記愁時語。明月休猜誤。後身生小。三閭祠下。任拾來香草。未嫌貧。

驢背吟成句。有霜幽并氣。爲助蒼涼。北征後少。今詩史。南戒中多古戰場。風到中原參正變。山從上世闢輿亡。最驚立馬高歌處。天外河流一綫黃。

當筵唱徹鬱輪袍。爪雪旗亭印幾遭。短夢星辰成昨夜。長安風月屬吾曹。鏡中玉貌蛾眉賤。天上金臺馬骨高。爲有花前清泪在。京塵兩度不辭勞。

如雪桃花壓酒船。江南春影畫堪憐。當頭破鏡期三九。入手明珠價幾千。偶着思量皆斷夢。最難消遣是華年。極天樓閣東風起。曾寫紅牆一惘然。

笑吹龍笛浪花堆。三上之朶亦壯哉。湘路十年聽雁去。海

天萬里釣鼈來。經過雲樹如尋夢。飄泊江山不管才。歸向
青峰紅葉裏。月明端正一帆開。

幾載青衫泪未收。湘煙筑雨又吟秋。人天落落元龍氣。身
世茫茫洗馬愁。騷怨半和山鬼語。仙才多感夜郎流。登臨
莫更憐蕭瑟。眼底千春只一漚。

池上

池上抱螢坐。貪涼近夜分。星河天一畫。水榭月雙文。卷幔
觀蟲語。安爐聽鴨熏。閒紅單舸遠。延佇爲夫君。

四月八日集榕山古懽閣。效梅村體。賦長句紀之。
雙江流水清如玉。榕葉千重萬重綠。西望蠶叢到日邊。南
來鳥路穿雲腹。快閣連霄試一登。空桑此日成三宿。痛飲
全消今古愁。清遊也算湖山福。紅闌影與夕陽平。浴佛人

來話晚晴戰地耕深皆卧憤。禪天坐定欲聞鶯。偶然吾輩
題詩到。都是天涯載酒行。燕麥花間思往事。龍華會裏問
前生。人天投分同杯琰。欽水湘山一時選。東箭評量物色
真。南冠飄泊詩名滿。麾扇英流見顧榮。接羅高興逢山簡。
塵海論交幾素心。名山對客雙青眼。賤子曾陪京國筵。歡
場回首事如煙。三春短夢徵歌地。四月長安放榜天。蠻嶠
風花重喚酒。鳳城櫻筍正登盤。却從杜牧尋芳後。轉憶蘭
成射策年。祇今吹笛牂柯路。同調尊前倏相遇。葛相祠堂
夜有星。竹王壁壘春無霧。行樂清時古亦稀。遊仙絕徼雲
爭護。難得閒身絮果畱。願依淨業蒲團住。一笑休辭金叵
羅。江樓客散亂鴉多。勞薪況味消柑酒。炊黍光陰感箭波。
尚有琴樽娛北海。誰將笠屐畫東坡。他年雲樹應成夢。醉

墨題襟字不磨

感舊寄余雲卿觀察蜀中八首

有序

同治甲子余自賊中出老僕劉高昇等迎余於應山時
襄鄧間多賊歸路梗而聞吾父母在漢中因由楚入秦
取道鄖竹鄖竹之境有黃龍灘者余雲卿太守所居也
太守方讀禮家食以鄉兵保其鄉賓皆如歸賊不敢犯
會余與僕等迷失道踵太守門告以故太守遽出抱之
曰此真易君子耶歸之在我遂留處其家旬日公子輩
六人與余年相若相得故甚歡嘗折柬書姓名約爲兄
弟余自此不復憶歸僕等無如之何商太守乃僞爲避
寇也者當曉兵皆衷甲旌旗照灘上云太守將移家某
山某砦先送余往迨余舍舟登岸後始知其紿而馬聲

旗影已在蒼茫煙雨中矣一別十年竟如隔世甲戌春
景堂家兄歸自蜀爲述太守服闋後觀察蜀中應官之
暇猶屢問當日垂髫童子河山如夢身世不居今忽忽
又四五年景堂家兄則已墓有宿草太守一官聽鼓數
奇不侯而備嘗患難如余者行年二十漫無所成復不
能命駕登堂與舊時諸弟兄翦西牕燭花一話人間桑
海如薊子訓之摩挲銅狄丁令威之化鶴歸來也循覽
是詩能不悽然流涕也哉

鄭櫻漢角路崎嶇烽火頻年戰骨鋪赤地人償雞犬命黃
天鬼哭虎狼都屈原哀郢方爲客士會辭秦尚有孥曾宿
灘聲明月裏夢回山閣聽啼鳥

年時辛苦賊中來失路王孫自古哀小住翻同三宿戀旁

人錯把一家猜。離將虎口都言命。累到豬肝豈爲才。風鶴
聲中催別早。模糊記得片帆開。

冷覓衾添病。覓醫他。家珠向掌中持。視同己子。眞何故。問
到君侯也。不知。乍見居然悲喜集。相忘轉欲別離遲。任儂
沿得懷安例。無奈恩恩醉遣時。

一卷蘭言小字臨。斑衣竹馬舊題襟。貪將兄弟聲聲喚。忘
卻爺娘處處尋。東閣郎君應好在。南軒將種定如今。思量
怕是前生事。半晌猜詳未敢吟。

聞道蠶叢萬里長。天西煙雨悄相望。雙魚字落巴江遠。五
馬人傳漢代良。照入關山心共月。吹來消息鬢如霜。平生
一飯恩難報。怕讀淮陰傳幾行。

曾從遠道勸加餐。聽鼓天涯共應官。春雨謝池人笑易。秋

風蜀道鬼歸難全家苦樂惟公悉後日恩讎要我完都向
今朝棖觸起累儂心鼻一時酸

君家別業渺青峰不辨煙蘿第幾重客路雲山流寓感鬼
時風雨釣遊蹤魂從定後收還悸夢到殘時覓轉慵老僕
也如宮監在白頭閒坐話元宗

鯁生幾載辦香燒每說恩門泪總飄過去亂離都有味別
來歌哭太無聊萬重人海清琴隔二十年華綠鬢凋何日
天南尋舊隱相逢猿鶴也魂銷

四月十六夜對月作歌

盤古法器畱乾坤乾坤以外無物存星辰度遷風雨變陵
谷局換山川堙猶賸極孤極冷太陰殘魄在令人想見皇
初結撰一點眞精神年年三百有六旬陰雨十分月二分

月圓一月一回見。就中缺憾常相因。尤難得者天無片雲。
人無恨事。地無塵氛。有酒有花。兼有人。神仙小團圓。世界
大遊戲。莫教風露忽秋心。但覺樓臺皆水氣。空青萬里天。
銀河流輝迢迢搖素波。吾將攜常娥。召纖阿。霓裳爲我舞。
雲璈爲我歌。人生哀樂何其多。有酒不醉將如何。月子勸
汝一杯酒。天上人間恨常有。前宵密雨傾簷蕉。昨宵雲影
千層飄。清光欲出不自聊。今宵相逢歌且謠。曾照幾人生。
曾照幾人死。曾照幾人嘆。曾照幾人喜。曾臨何代帝王宮。
曾到誰家庭院裏。茫茫今古竟無雙。小小滄桑知第幾。可
歌可泣數千年。月若多愁應老矣。幸有煙光黯黯護。夜氣
重重遮。白雲如絮。黃雲如麻。碧雲如葉。紅雲如花。大雲如
象。如龍蛇。小雲如馬。如烏鴉。使爾俯視塵寰少所見。稍免

歌離中夢替入局外生咨嗟。蘇子瞻。李太白自有月來惟
兩客。一披宮錦袍。一聽黃樓笛。古人不見見猶憐。此是蠻
天清絕日。醉不必羨采石。遊不必思黃州。亦不必騎鯨碧
海去。亦不必控鶴滄江遊。但願置身廣寒絕頂之高樓。翻
然抱月與月謀。修成八萬戶。坐過三千秋。要使歲歲此宵
宵。宵此景。並無點雲滴雨中邊畱。不然出亦愁。入亦愁。謫
居下界狂歌痛飲。安能休。君不見一雲滅。一漚瞥。幾回湖
海感飄零。幾處關山怨離別。今夕何夕。而乃眼前笑兀見
此月。

誠齋雨後作

涼意入空綠。颯然當此軒。捲風荷自弄。搖雨竹能言。隣酒
勸孤酌。道書謀一溫。竭來幽興有。隨處似家園。

余通守招赴龍岡展浴佛日漫成二首

仙有死無死。佛有生無生。有生誰所見。無生誰所聞。粵稽東國史。曾隕西天星。莊七年四月。辛卯日夜明。相傳佛誕降。覽揆當茲辰。當時尼山老。決意不語神。早知象教力。終與鴻儒爭。畢竟吾道大。一視皆同仁。彼將樹其幟。我且授以兵。以諱爲不諱。以微爲無微。遂令彼氏學。據典而引經。仍借聖賢重。始成仙佛尊。孰沿洗兒例。爲舉三朝觥。人天此令節。共向龍華行。余侯甫病起。把盞疎兼旬。恩恩十日過。欲醉嫌無名。其於速客也。以展浴佛稱。

浴佛佛不知。速客客已到。勝地稱龍岡。儒風動蠻嶠。但有鵝湖舍。而無鷺嶺廟。主人倒接離。賤子狂落帽。聯襜黔蜀英。推襟湘楚妙。或尋猿鶴蹤。或作鳳鸞嘯。入社眉應攢。出

東坡先生集卷之五
山頭屢掉倚檻清。悟生臨江暮鐘告。山色爲佛頭。卽是彌勒貌。水聲爲佛舌。卽是廣長教。溪花忽呈姿。卽是佛微笑。林鳥忽弄響。卽是佛同調。紅雨佛手散。白日佛心照。滿月佛面窺。慈雲佛脚抱。居然妙相呈。何必靈山路。誰現宰官身。誰充居士號。無佛處稱尊。人生從所好。

容舸夏夜十絕句

暝光匝林樾。飛鳥去無縫。一水黑搖天。四山青入夢。迴廊納水氣。散坐不知暑。涼綠忽滿衣。生蟲落如雨。小窗坐聞笛。詩夢涼漸醒。一層方空去。紗水漾鏝痕。青
壞雲暝堆墨。中閃電光大。料得天上樓。呼鏝有人過。偶憑池上關。頓覺荷葉長。驚起水風吹。老魚擲波響。低處皆積塵。高處皆積煙。一星流下地。一螢流上天。

清坐了閒思。厭看雲起滅。知有明月來池心。忽然白
蔚藍天影佳。愛玩未忍捨。一碧綢繡雲如鋪。玉樓瓦
持此空明心。了然無障礙。月光如髮微。中有大千界。
是花還是月。花影白。一廊有色。非至色。無香爲真香。
詠懷

西園有榕樹。垂綠瘴海濱。望之何青蔥。含景媚煙辰。自恃
壽命堅。美蔭期千春。其上鳴所屋。其下蟻所村。不憂嚴霜
殺。但恐狂飈屯。小風吹楮葉。大風吹榕根。榕根且難保。楮
葉安足論。

鳥獸不同羣。哲言古所謂。蠕蠕塔下蛩。熟視轉生畏。忘機
自平生。警魄因異類。狎虎夜共眠。明晨弔者至。先王屏物
畜。微特綏遠計。檻熊尚能奔。市虺恐難制。同仁有吞殘。況

彼殊血氣龍蛇爾何物宜置大澤內瞥眼竟橫行翻教鳳
麟避

武帝稱好武兵戎思屢逞文帝稱好文禮樂謝不敏任一
李貳師百年國脈損失一賈大中兩漢人才盡用兵與求
賢所患不中肯赤玉抵僵鳥黃金擲虛牝得地如補瘡得
人如着屨

丁戌之間行卷

漢壽易順鼎實甫

古今體詩

苦雨兼旬江水暴漲城外園舍盡沒登城觀之惓然有述
洪波將掩壘憑眺動深憂雞犬浮成市魚龍睡滿樓山城
窪在水夏日燥於秋漏到書堂瓦先生未自謀

白日荒荒匿黃流滾滾回虹身斜屢出霧氣重難開路斷
無來使天寒有棄孩可憐兒女命終賴長官才

且莫談兵火曾經水患偏荒城一角地宣廟十三年往
事官商竊餘生父老傳到今須悔禍含泪問堯天

晉豫頻年旱中原村柚空側聞哀痛詔引咎

聖躬坐恐災區廣行教國計窮願移膚寸澤一爲過恆
嵩

述災一百韻

孤城燹於秋。五月寒欲臘。極西天本漏。其南海爲欲。雙江
勢騰海。一雨愁雜遝。白氣裹虹腰。黑光穿月脅。碧莽積威
屯。黃蘆苦霧貼。窪沼增皓滌。複垣倒鏗搗。泥青頻曳龜。石
綠漸居螭。黯凝孤光暗。淒逼萬響答。橫肱謝斬簞。入手厭
湘簫。院寒催授衣。廊溼阻鳴屨。舞紅一架癭。凝黛四峰合。
樓登屐忽登。庭過裳須扱。圯慮牆縫鬆。漏猜瓦紋圻。晨餐
快烹鱸。夜話愁翦蠟。睡密鼠窺鐙。浴疎蝨緣褶。琴澀雨三
絃。書爛四五夾。松光欲到枕。薜意如滿匣。憊畱草襦褌。娟
敗葩鞞鞬。僵綠眠冷螢。壞紅泣幽蝶。殷殷雷終朝。杲杲日
半霎。稍稍豁壑盈。忽忽廬舍燠。荒荒城市晚。袞袞波濤沓。
條如雲車馳。紉如雷鼓臚。洵如萬馬奔。沸如羣雁唼。如鷹

陶離轉如虎。喚突桺觀臺。訝今庠臨滄。忘昔狹水貧。悼覩
雁山富。誇展蛤黃雲。翳龍岡。白日沈雉堞。蘆中窮伍胥。桑
下餓靈輒移家具。隨身感事。泪棲睫。綠髮嗟嬌嬰。赤腳走
健妾。堂虛猶掩扉。室罄但提榼。宛轉波流觴。倉黃道拾鋌。
沙蟲萬族聚人豕。一樓雜踞屋肩作。梯燎衣指爲筴。或爲
白鷗泛。或爲蒼兕涉。濡首或旣濟。重髓或屢蹠。散疑喪家
狗。聚類黠軍鴿。命輕波力衝。魂重濤聲壓。波心客尋街樹
頂。僧據塢西廡。倏東移。右牖轉左闔。雞犬醉逐杼。魚龍飽
爭楊。商眞抱柱信。亦操舟業祇吟頰。尾魴誰唱綠頭鴨。
城罽圍短蓬。屋脊過輕艤。紙窗帆影出。石路篙響挾。濁如
北渡河。清如東泛雪。曠如遊五湖。隘如入三峽。搖手如應
關。銜尾如放閘。數壁蝸淫淫。毒谿鳶跼跼。憂來纏中腸。涇

極到左脾難作拔宅謀且臨借船帖欲往嗟無梁不遷恃
有謀鴻哀殷借籌魚賤罷彈鋏頗聞遺老言昔在宣宗
葉災奇彼蒼忍性懦斯民狎身經記能悉事往談尚怯或
耄遺其藤或倪失其輟或奴覓其筐或婢捐其襦或農亡
其鋤或婦棄其簪或沈戰場戈或沒蒙塾笈或浮卜肆簾
或汨沙門牒或漂敵人蓑或洗鮫客篋漢殿獨存魯周鼎
重定如何因鬼國偏亦復天災疊空房少完杼極浦多遺
襍使君幸慈賢爲政不茸闌發粟師汲黯繪圖宗鄭俠積
誠上蒼穹流惠下白蓋分憂急民瘼悔禍緩天顏露坐思
幹旋風餐飲歔咄方今西北旱重以東南乏屯膏始密岱
竭澤將濟潔煙屋停晨炊霞膳斷春饁綠林有荏苒赤畝
無葭蒼村春夜火收野哭秋燐踏白骨飽餘喘黃埃甘一

碑何從覓糜粥不暇具棺娶悠悠民力窮歷歷災區匝朝
臣徽煥阿疆吏戒譁諸孰令中興辰翻慮內亂甲

宮廷久憂勤寰瀛會安帖紅粒頒太倉素膳設深閣減餐
食民劬納諫求政愜頻勞罪已詔屢見言事劄

皇圖謹中外

國典重禘祫尤宜豁冤獄勿使舞文法九州日彫劫羣公
事調變競和清廟鼎爭剡巨川楫措施稍無乖感應自然
捷亟思報昇平和與振疲茶吏當倦催科民廼勤舉鍾行
看蒼赤蘇坐卜青黃接飢溺禹稷憂旱潦堯湯劫矧茲
僻區未覩休和洽蠻江黑濃潛屹峒青岌業馬去天梯縣
鴉來鬼門插東里方用鄭西門善治鄴地形良險要人事
貴祇協九拜初陽升一掃愁雲颯

感懷舊遊寄熊三叔雅長沙四首

天上吹殘子晉笙。幾人年少得狂名。春如夢短譚都倦。事
比雲多記未清。苦海風花飄劫過。歡場煙月照愁生。與君
一卧滄江晚。莫更思量載酒行。

海上歸來襪被涼。短屏三尺畫瀟湘。洞庭龍睡天連水。江
館烏啼夜有霜。古調青琴懷帝子。故山紅豆訪秋娘。多時
不聽吳船雨。夢到橫塘路也荒。

通辭幾度託微瀾。本事詩成墨未乾。補屋蘿衣愁日暮。渡
江桃葉忍秋寒。明知絲竹中年近。強把星辰昨夜看。憶否
天涯羞白石。玉簫吹罷共憑欄。

青眼高歌惜此才。斜陽目極定王臺。送窮篋草曾三易。連
理庭花又兩開。時熊續娶駿骨權奇知有價。騷心悽豔感無媒。

天街策蹇期君共。重蹋元都半畝落。

汎舟榕江探諸葛洞

一舟停洞邊。一鑑然洞內。徑折山所藏。泥深水初退。掌捫
石壁滑。腳踏沙塊碎。巖漿滴空青。狀類佛手大。忽然蒼落
寒。能使白日晦。天光不到處。蝙蝠飛一隊。驚竄欲無蹤。見
人如見怪。前導首偶回。後進足同畫。誰知先我者。轉瞬翻
在背。已到天盡頭。何妨出其外。其如峭壁阻。欲往黑難耐。
對此煙蘿關。惜無雲梯械。勢難忍飢寒。闖入鴻荒界。且將
未了緣。畱作歸舟話。當時諸葛公。來否休置喙。事隔三千
年。威畱八萬衆。師行雖未經。傳會以爲快。何必一牌沈。何
必一樹拜。名歸總不誣。事假都堪愛。轉嘆渡江人。悠悠日
幾輩。

劉松生將軍自錦城來榕喜晤卽送其出師銅江

我所思者乃在五湖一葉之扁舟君所登者乃在三巴萬里之高樓射虎人訶北平將釣鰲刺謁西諸侯萬事如雲有今昔飄然載酒牂柯秋河山灑盡啼鵲淚從古西川用兵地紫氣青牛物色難白衣蒼狗交情易梵淨山天夜火紅却來小試擒王伎將軍少年使中俠南征部曲都能說三千養士舊黃金十五從軍今白髮銅柱餘威到處留銀刀小隊侵晨發吹角空江賊膽寒功成相約把漁竿赤松子共鳴夷子千古英雄退步寬

荷花盛開同諸子池上夜話

客少臨池坐花多竟夕涼萬塵如此靜一水自然香積露紅平檻流雲碧過牆江南煙浪濶迴夢藕絲鄉

七夕到孟存韻

天船來往泊紅橋。喚起斜河一尺潮。料比新婚還繼繼。碧雲堆裏話通宵。

白頭鴛侶戲晴波。爭及雙星會絳河。十二萬年方死別。佳期終比世間多。

水精眠夢太怱怱。一曲銀灣慣阻風。猶有雲仙諸彩伴。夜涼愁坐蕊珠宮。

恩愛從他下界評。仙家無奈是離情。人天通弊真堪歎。纔得歡娛恨已生。

園中雜題

日長一齋閒。坐擁空翠氣。紅雨斷行蹤。惟逢掃花吏。誠齋
經秋獨無事。花下餐冷香。時有把鋤人。綠叢煙雨旁。菊田

飛嵐倏向背。紗納青之餘。秋樹生紺煙。中有人讀書。蔭青
露螢如合圓。風蝶每爭坐。立久不逢人。斜飛星一箇。韻底
高臺一以眺。暝色牂柯山。天西路如髮。萬里飛鴉還。高
夢迴蓬響。寒知是蠻天。雨吹笛少年遊。江南在何許。客解
知有看花人。唼鞋過橋響。吹黑堤上鐙。秋螢自來往。鳥白
閒來每獨立。木末飛涼雲。夕陽見鴉步。紅入落花根。淨納
高處餐雲嵐。低處飲湖淥。山雨斜入樓。水風側吹屋。亭
如作淨業遊。千花圍畫舫。酒醒湖天幽。月黑聞盪樂。濟
坊

立秋後一日寄伯嚴

香草離騷舊導師。月明吹笛水仙祠。風人心性同秋冷。山
鬼衣裳到楚宜。一榻古愁眠落葉。十年幽夢採華芝。千春
多少媒勞怨。珍重湘天獨立時。

外。肪。秋。荷。極。盛。而。內。舸。僅。開。一。花。單。紅。窅。然。水。立。無。匹。賦
此。卽。呈。笠。塘。舅。氏。並。簡。孟。存。

返。照。入。湖。霞。在。嶺。前。浦。笙。歌。後。灣。暝。背。人。却。向。水。亭。幽。身。
世。本。來。花。性。冷。且。貪。涼。臥。竹。簾。移。那。用。宵。遊。蓮。燭。秉。池。塘。
悄悄。秋。暑。鬆。襟。袖。微。微。夜。香。迴。忽。驚。媚。晚。出。孤。花。絕。勝。聽。
秋。搖。萬。柄。鮮。紅。倒。束。蜻。蜓。腰。遠。白。平。收。鷺。鷺。頂。雨。晴。有。意。
鳥。洗。妝。日。暮。無。人。獨。窺。影。碧。雲。晚。晦。疑。未。來。翠。袖。曉。寒。攢。
自。整。單。門。似。毗。眾。扶。持。絕。豔。誰。教。長。棄。屏。孤。立。還。應。起。暮。
愁。半。開。尚。欲。畱。清。景。紅。妝。不。語。真。可。憐。素。質。能。全。轉。爲。幸。
無。郎。未。免。小。姑。居。不。字。如。將。秋。士。等。終。宵。約。夢。水。風。疎。幾。
度。通。辭。波。路。梗。納。涼。畱。客。君。何。欠。載。酒。尋。芳。我。猶。肯。一。般。
明。月。有。寒。暄。萬。事。浮。雲。同。醉。醒。諸。公。暇。日。過。銀。塘。十。丈。從。

人誇玉井一尺仙。雲入坐涼。半灣慢水流香鬢。何年重補。開紅遊。歸買湘天舊漁艇。

榕江秋興八首用杜韻

瑟瑟商飈動桂林。瘴江羈思已蕭森。湘人魂夢秋先瘦。鬼國雲山畫亦陰。紅豆春前懷酒伴。青琴世外寫騷心。十年作客愁難遣。淒斷牕柯日暮砧。

江館題詩醉墨斜。弓衣絕唱感才華。碧雲袖裏三年字。明月天南萬里查。玉帳蠻王朝選酒。金環蠱女夜吹簫。誰知卧病秋衾客。霖雨空廊繡薜花。

前蠻騎灑易斜。暎裏人家夜火微。水市風腥防虎過。山天路窄讓鴉飛。孤巖桂樹生偏冷。雙槳桃根願已違。莫更因循成白首。倚雲絕頂蘗苗肥。

徒教玉局看彈碁。回首芳塵樂亦悲。春暝燈縣無月處。秋
寒酒到欲冰時。交遊末路黃金散。醉夢歡場白日馳。今夜
涼多開擁被。雁聲如水怕尋思。

萬重煙雨萬重山。冷翠天西屋幾閒。野史興亡羅甸國。奇
兵出沒鬼門關。鮫宮辟月彈珠泪。蜚豕幽花葬玉顏。却築
詩樓招太白。夜郎愁老謫仙班。

閒吹玉笛水西頭。破帽殘衫又感秋。薜荔生涯癡魅喜。桐
花消息鳳皇愁。滇雲路遠祠金馬。湘雨樓寒夢白鷗。目斷
黃茅江瘴裏。灘聲直下古炎州。

銅鼓千村漢將功。凋樓猶指亂雲中。竹王廟冷旗翻雨。葛
相臺荒笛倚風。山鬼踏歌靈火綠。溪蠻匿笑瘴花紅。斜陽
買酒談遺事。愁絕天南百歲翁。

名園綠竹徑逶迤。薄暮呼鐙水一陂。幽韻蟬辭將隊葉。冷香蜂候未開枝。江湖病酒經年發。人海遊仙小劫移。昨夜夢尋蓬島路。珊瑚樹老釣竿垂。

秋雨述懷

蠻江水氣騰上天。千巖萬壑空濛煙。雨腳如絲織成暝。飛鴉欲度身遭牽。夜郎榕城古山嶺。蛇箐虎柴雲羶連樹根。宵宵鐙火駭石罅。往往人家懸。憶昨梅霖擁巨漲。決旬未覩晴陽娟。世間百變匪意料。帆影山沒山樓巔。蛟龍聽請已坻伏。坐恐習慣仍離淵。經秋無事竹院閉。人迹不到落花鮮。登臨一任阻佳興。衛足偃息良所便。時余偶憑飛閣病足送遠目。夜風夢趁南歸船。寸流且憂河口決。萬命共恃堤身堅。山城不愁愁澤國。豈爲二頃吾家田。方今實區急補

救司農仰屋兼籌邊。位高忠愛苦無暇。時艱旱潦紛有權。神州大局仗公等。賤子卧聽山中泉。

送岳峰歸武陵卽用其榕城秋懷韻

且蘭荒翠擁峻嶒。幾樹蟬聲到晚興。蠻府壯遊爲客久。鱸江歸計羨君能。世情紙薄秋雲慣。鄉夢鐙涼夜雨曾。却望天涯行馬路。亂山黃葉不知層。

倚樹唸梧兩度秋。惠施眞喜得莊周。防添酒恙杯痕減。話到宵深燭泪流。蠶女機寒惟自勵。鮫人珠好莫輕投。勞生信有安心法。歸向名山細細求。

詩書許讀卽天恩。自得何須大欲存。宗慤乘風多倖遇。袁安卧雪本奇溫。咳華白處新詩補。池草青時舊夢論。只有故人勞遠望。郵筒應肯寄更番。

等是京華跌宕姿。芳塵影事最堪思。蛾眉那更分深淺。鴝
爪都難定合離。人海重逢他日約。河梁五字古來悲。潁濱
居士如相問。休道狂奴百不宜。謂令弟雲峰

寄懷王夢湘

以勉

濟南

京華別後等勞薪。回首鶯花二月春。淺淺論交因有母。茫
茫對哭亦無人。狂奴意氣傳聞過。才子文章感慨真。太白
樓高休獨倚。醉唸猶恐動星辰。

夜登飛秋閣作歌

山川城郭同一煙。白氣浩浩非人間。遙天萬里暝光盡。孤
青簇黑相黏連。蠻山如睡呼不醒。但響百道奔來泉。飛樓
無人獨徙倚。能使月意生幽寒。此時榕城裏霧溼。有夢無
夢千家眠。勞生只許頃刻息。曉色一動茫無邊。置身居然

上方頂。俯視蟻穴。眞可憐。人天古今。皆積氣。微塵變滅。何有焉。大千世界。萬億眾。其敗誰弄。成誰搏。長短久暫。亦平等。山嵐海雲。如是觀。安能騎鯨去不還。秋高散髮三神山。雲濤萬頃。堆眼前。笑吹龍笛來倚闌。遺世獨立吾其仙。
王郎行寄夢湘山東

王郎手把芙蓉花。長身玉立恆河沙。青琴爲知己。錦瑟爲年華。聲名動白雲。意氣凌紫霞。出口吐奇鳳。當胸握靈蛇。南去丹山覓竹筍。東來碧水回蓬查。謂當撒大蘇炬。乘小朱車。詠階前紅藥。宣閣上黃麻。而乃鳳泊鸞飄。駿馬瘦才人。四海歸無家。歌不必所。地哀表不必通。天詭醒不必求金丹。醉不必讀青史。時來豎子皆英雄。運盡皇王亦山鬼。三五六經賢聖窮。十二萬年仙佛死。名山塵海煙有無。曠

代清愁可銷矣。古往今來盡如此。爲君上指百變莫測之
浮雲。下指一去不還之流水。行歌坐哭胡爲哉。何時使我
心顏開。逝將西轍馬於闐風。京釣鼈於眾萊。南探朱火之
祕洞。北登黃金之高臺。茫然四顧生悲哀。但覺古今悲歎
離合可歌。可泣事千萬。一一遠自斜陽秋草之間來。背負
青天遊八極。近日中原看不得。淮河水倒流。晉豫人相食。
齊魯蠶連亦災國。幸逢

慈聖請命胎。龍顏半爲蒼生黑。

君王遠邁漢唐朝。兒女應蒙堯舜澤。露坐風餐金爵殿。雲
移電轉銅駝陌。昨夜夢君不自聊。秋滿齊州踞煙立。憶昔
與君同妙年。五陵裘馬爭翩翩。醉向酒家樓上眠。此時意
態如神仙。長安卿相值一錢。豈知上第同登天。致身富貴

非無術。憎命文章太有權。君策兗州騎。我登滄海船。路旁
拱手不相顧。黃塵白日迷幽燕。聚處猶嫌疎。況乃離居一
萬里。途人猶恨別。況乃同心二三子。我有徑寸珠。襲以千
端綺。心欲寄君悵。莫由甘蕤冷。月荒潭底古。怨時時作霞。
起君歸濟南。經任邱。兩地皆有太白之酒樓。我行更在極
西夜。郎天盡頭。先生當日此地流。有樓亦占崧山陬。二客
登臨倘同日。翻恐往還鯨背難爲酬。奪公手中五色花。天
筆借公胸中萬頃雲。海秋眞靈位業。不能以倖致。或者才
名落落尚可人間求。狂歌痛飲偶然事。醉態不共風煙收。
豈知今日有吾輩。意氣公然橫九州。自古仙才合淪謫。人
生醉耳吾何憂。君聞此言會一笑。精魂更作天西遊。昨歲
得君書。手未開緘。泪橫睫。和我天甯詩。寸帋光芒發。西風

人海別經年。酒夢雖寒。心尚熱。無端一讀。一纏綿。鐘前字。字堪頭白。荆卿市。黃公鑪。素箏濁酒。悲來乎。君家元方玉。樓杳神猷。夜起驚三珠。俊遊甫疎弱。一个更數年後。將何如。我今散髮。蠻獠瘴癘區。感君涕汨。安能無。君勿爲吳質。愁。君勿爲唐衢哭。君勿從李廣射。君勿從屈原卜。且餐鵝華嵐。且飲明湖淥。且將泰嶽三千餘里洞。盡採。且將封禪七十二家書。盡讀。他年給札玉堂來。一變傷心才子局。年少落拓空能狂。夢中煙月疑歡場。平生同調憶僅僅。今我獨立愁茫茫。前咆熊羆後虎豹。東飛鴛鴦西鷺鷥。安得挾汝置我旁。

送陳笠塘丈歸蕪湖

青山不抵泪痕多。曾聽南徐子夜歌。片夢春雲聊復爾。六

朝秋草竟如何。殘年行腳歸黃海。舊事傷心捲白波。君去尋幽兼弔古。眼空江海一漁蓑。

題笠丈紅梅帳額

水霞濃浸夜魂酣。香透枯禪獨樹龕。夢裏花開渾未覺。滿身紅雪到江南。

偶讀

偶讀池東畫。如聞世外鐘。夢痕水楊柳。詩意木芙蓉。月地疑孤艇。雲天忽一峰。莫教清景負。仙侶更相從。

秋暮山南榴花作詩柬張子蕃

景昌

容園九月榴花開。花神之意何爲哉。似嫌秋綠太寂寞。故吐殊豔驚奇瑰。香國老成凋謝久。丹王紫后俱塵埃。靈光巋然生使獨。未免落落落無追陪。憶從穀雨初移栽。生氣漸

盡餘枯葉恩。恩朱夏去如箭。此花自居材不材。投閒委散亦遭際。無人過問。山南隈。秋午尋詩夜尋夢。涼紅顫影西風來。意中奇景忽在目。陸渾山火霞天台。彷彿祥雲幽絕處。蠻姬十五裙新裁。得非金天昨高宴。絳蠟尺厚流成堆。桂花無多菊花欠。少昊頗借前朝才。熱官就冷襟宇峻。孤行一意誰能猜。又疑麗姝偏晚嫁。擇人而事何須媒。豈知花爲吾輩計。不許芳情成死灰。才人志士有遲暮。苦心招得千秋回。承花意旨將詩催。莫待紺泪彈荒落。重陽紫萸緩插帽。更禘五日天中杯。

諸葛臺在古州廳解西偏張經畧

廣泗

嘗登此苗人呼爲

登諸葛臺老子者也

南征舊壘曙鴉來。東郡殘山畫角哀。功罪百年留信史。安

危簑手仗奇才前頭草綠英雄盡絕頂雲紅道路開寂寞
天涯凝望久漢家丞相有荒臺

登樗山絕頂作

危峰細路古榕陰海樣秋光不待尋望去青山如佛髻飛
來黃蝶有仙心寒花色相矜持淺枯樹年華閱歷深一自
蘇門長嘯後更誰空際作鸞吟

自題秋山捉蝶圖

崖流古瀑樹流煙知是南荒幾洞天行到絕無人迹處一
雙秋蝶正遊仙

藤笠飄然瘦影偕仙壇落葉欲平階秋雲踏碎成奇響一
路空青過草鞋

幽叢一種澹燕支可惜相逢欲暝時開到秋花天不管讓

他紅與自家知

彷彿泥金壞色裙斜陽慘綠借三分碧空寸寸古落積人

影上山如片雲

美人山鬼並無家薜荔秋晴自作花多少春魂呼不轉峭

寒來此送年華

南園綠草送春忙冷逼關河漸有霜回首最驚花下酒生

衣和汝一般黃

衣香幾度隔花招撲蝶樓臺夢未銷何處疎簾人正倚金

風紙雨醉南朝

和雨和煙畫一筇天南獨立悄愁懷有何意味仙山頂只

隔人間綠萬重

仙衣粉蛻悵難求水樣天涯水樣別良擬打包尋夢去滿

身煙雨入羅浮。

一絲秋夢顛西風。抱影商量住畫中。較勝呼鎧尋蟋蟀。世間兒女可憐蟲。

秋夜閑淩鏡初司馬紅豆庵遺詩黯然題入截句於首君以清鎮縣令死於苗難

如聽秋墳鬼唱愁。大招吟斷古蠻州。才人已返仙官位。不占金門占玉樓。

江湖唱倦酒初醒。絕代銷魂似阮亭。何處竹枝音縹緲。冷猿殘月泊空舸。

紫雲捧硯乞題詞。豔絕才名杜牧之。贏得花前先罷酒。一行清泪一行詩。

一聽蠻參鬢欲華。荒山絕命感聞笳。吟魂戰血都無主。幻

作獲天萬古霞

長沙故宅夕陽邊。秋夢模糊記往年。聞道庵中紅豆樹。情根飄泊也生天。

蠶稿重編感不勝。騷魂幾載傍行勝。當時種豆人何處。紅入秋窗影一鐙。

夫容城爲曼卿開。兜率龕迎白傅來。今日海山應易主。能全忠孝卽仙才。

一尉鍾山姓字畱。成神青骨幾生修。碧湘煙月南朝似。合築靈祠配蔣侯。

秋懷詩三十八首

人材厠乾坤。忽忽已二十。九州雖行半。六藝未遍一。處順消縱難自立。置身海間所貴持。定力聞道非不

早惜與未聞。敵憂來苦無端。萬代風雨急。蠹死而蝨生。顧影慚七尺。魂去秋草同。斯言令人泣。

神姦激鏘吹。碧樹紛已秋。清商與志士。氣味恆相投。方寸析元化。毫末資繁憂。搖落隨萬物。得天誰最優。此身顧不貴。與吟蟲謀。高歌送白日。宇宙非羈囚。

秋萬重。中有踏歌客。狂名動京華。轉愛黔山色。關塞爬仙才。感淪謫。獨上夜郎樓。詩魂招太白。

何縹緲。上與秋光平。地高厭籟會。流響聞哀箏。天路近咫尺。竊冀通微誠。不知浮雲蔽。猶作呵壁聲。日暮多悲風。尊酒常獨傾。北望見神州。慨然壯士情。

南荒熾餘暑。縹赤牂柯天。瘴雲作奇色。飛鳥不敢前。繞屋蠅雷喧。力阻清夢圓。誰知淨名客。午榻飄茶煙。碧山遠可

尺枕席皆風泉。颯然秋意來。身在松濤邊。一卷冰雪詩。微
吟參冷禪。

一燈不自聊。紅作可憐色。平生已隊夢。忽自夢中得。安知
真與幻。寸態皆髣髴。披衣生酒寒。明月如在側。憑闌煙蒼
茫。碧覺水氣潤。悵望斜河流。情波幾潮汐。

芙蓉好顏色。生小淩淩波。下有文鴛鴦。雙飛情相和。誰家
畫船女。曉起凝妝過。東南出初日。照見朱顏酡。紅白不一
姿。並是傾城科。所乏非容華。曷復思其他。秋江風露多。采
采當如何。

古今雖遙遙。意若有所待。青琴久希聲。獨立閨人海。千春
感知己。歌泣非可買。才人愛才性。萬死終不改。隱然文字
間。各有精魂在。似聞大息言。努力蓄光彩。

忠孝本庸行。詞章尤末藝。驚世多一名。問心多一愧。避之
且不暇。矧敢據爲利。稍不副所稱。求全恐無地。文章屏浮
華。亦關獨行事。古人重尚綱。非徒托謙退。責備從其嚴。竊
附春秋義。

居幽遂成嬾。冷若霜後花。低頭理破書。滿屋秋聲遮。尋常
所經處。舉足疑天涯。興賞旣蕭索。兼之煙景差。豈知意造
境。更比人間奢。遊仙不藉枕。攬勝無須車。三山與五嶽。縹
緲雲爲家。孤行九州外。海水飛紅霞。

吾家西洞庭。舊隱漁樵蹤。浮生有何事。挂我方寸胸。扁舟
夢散髮。飛渡波千重。風濤忽壁立。隔斷君山鐘。布帆望渺
渺。若有秋魂從。水天洗空碧。吹笛來老龍。願守湘靈祠。抱
瑟殘年終。醉跨白黿去。月明江上峰。

惻惻甘補蘿。碧雲天末屋。甯知千載下。許以佳人目。煙雨
竹間扉。幽居似空谷。篝鐙讀離騷。使我湘夢綠。眞氣敵秋
寒。浩歌動林木。避俗吾尚能。平生山鬼服。
七歲咍高軒。十三賦洪都。才奇豈不重。所得徒區區。嗟余
亦早雋。夙竊神童呼。人事戰天稟。智慧相驅除。百垢積山
淵。能使珠玉枯。閉門習故藝。忽忽如亡逋。乃知少年技。未
足終身娛。坐恐雕蟲疲。一朝成老夫。

韓侯本英雄。奇氣人易識。漂母與滕公。後先勤拂拭。迄今
讀其傳。三復猶感泣。蒙曾遇賢王。出坎加諸膝。待以國士
身。乃在童丱日。回首大星落。事逐箕尾疾。空抱安道琴。曳
裾亦無及。王名傳萬口。餘事青史筆。獨愧受恩人。湘南一
縫掖。

機心所不設。虎穴如康莊。要有主宰存。一一遘窮窘。三秦昔傳烽。襁褓皆國殤。瓦全獨何術。幸脫鯨牙強。金風血雨中。半載身無創。痛定復思痛。愧彼代李僵。天恩與祖德。每飯當毋忘。

兒時游釣處。太常山中村。舅家在其北。瓦屋朝瞰溫。峩峩德星堂。道範瞻琴尊。藹藹停雲社。情誥聯弟昆。秋鍾注蟲魚。春酒羅雞豚。自安野人樂。當荷皇天恩。誰知桃花源。回首血溷渾。眵肝赴艾難。碧葬同楓根。忠魂本含笑。泪只人間吞。斜陽照野水。紅透悲歡痕。半曇亦蕭瑟。腹痛西州門。阿兄蜀道魂。萬里鵑聲斷。秋墳亦宿草。綠鬢那不換。相尋關塞黑。風影一鐙顛。猶記十年前。江湖夜聞雁。少覽西非勝。立馬曾高歌。古來英雄人。不及寒鴉多。草根

斜陽靜照見百戰戈中原倦遊後奇氣同銷磨夢中著短衣夜向神州過蓬腰浪花大秋雪飛黃河

驅車邁宛洛北登燕昭臺醺酒弔望諸意氣何雄哉孤鴻細雨中鴈石離宮開賢豪自感遇豈爲千金來神駿骨雖冷効死心不灰霸圖今已矣秋草葬奇才

京華風月多朱樓遠連屬酒徒高陽侶日事徵與逐四座何喧闐哀音遶絲竹側有如花人贈以才子目不惜聲繞梁爲君相愛獨感激發高歌吾生死亦足

學道悔不堅易爲哀樂用兩度江南遊華年酒邊送未暇悲南朝吾生亦如夢煙月雖連天暗泪滴花凍酒罷促別船獨對秋江慟

登高望山國紫翠斂餘照城小不萬家煙瓦縱橫竈風力

捲空來市聲浩浩人影遠如蟻奔走雜童耄槐安咫尺
路終古行不到自從日中易寰宇開市道遂成詐力場有
足皆思造憑觀聊太息未敢稱高蹈恐有列仙過雲中發
驚嘯

貴我夫何爲常用清夜省識字竊冠裳細思堪齒冷從來
貴賤途不必分靈蠢傲然臨僕隸勢屈心漸肯偶從市中
過傭販爭起敬同受天地恩相忘已爲幸諸君勿復然一
視皆平等

順境不可處得志徒公卿世祿非無賢終乏艱苦情天意
私英雄貧賤爲玉成草廬一夢寐水火交相驚飢寒出奇
骨力與身命爭功名雖蓋代必自銖寸生常畱慘澹迹想
見經與營懷哉古賢達刻苦如編氓

昨夢登神山。冥觀江海濤。白氣浩無涯。中有魚龍號。天風
陷絕頂。坐恐軀體銷。客魂忽吹墮。縹緲滄溟艘。此身不自
有。物我皆鴻毛。幽愁盪日月。能使萬象搖。人海波浪濤。脫
復重相遭。危哉一葉舟。視彼縱與操。

神崖積元冰。中有不凋草。微物得氣厚。天意默相保。今我
思故人。存亡半枯槁。空聽山陽笛。誰收茂陵橐。玉樓感秋
衾。恐亦傷衷抱。安能同。風霜使爾顏色好。餘生願養親。負
米江湖老。

維南有丹崖。其鳥名曰

二鳴。鰥律呂。再鳴。鰥歸昌。朱霞

鏤阿閣。回首叫青嶺。

為青花稀。忍飢露文章。秋風松實

落。戢影仍陽岡。瑟

瑟。瑤華世終不汝忘。

聖神不自謀。身

世捨苦心。制甲子。青史去如馬。儒冠

更堪憐。屈指傳人寡。畢生殉微名。所得未盈把。仰屋著寸書。終歸祖龍赭。古今功罪案。譬若霜過瓦。當其愁來時。天地亦疑假。沒世有何稱。願作悠悠者。

服食求神仙。長生亦何爲。而況本誕謬。愚者能辨之。妄思七尺身。壽可兩大齊。聖賢與豪傑。欲往心然疑。高名動千載。難使白骨知。於世誠有益。於我將何裨。且復飲美酒。勿爲古人欺。

負手登高臺。暝色東遙望。眾鳥歸哉情。羣山壽者相。暮天不肯高。秋氣難爲壯。冥感萬籟同。無言默相向。

羣峰靜無言。秋宇慘益白。樹影如嵌空。模糊補雲缺。一星紅。不透微閃風。所掣乃知寒。光凝霄路多隔闕。愁看天地間。已有冰霜色。

鐙邊展遺詩一卷讀未卒。中有秋聲藏呼之如欲出。人天積幽絲。養此騷客筆。情文微至處。能使真宰泣。如遇古精魂。風濤紙窗溢。

萬物有所終。仙佛皆沙蟲。厯劫不磨滅。獨此孝與忠。讀書蝨土類。早異工商農。所還亦已嗇。所受亦已豐。人生兩大節。賢聖多愧容。高天厚地間。俯仰慙微躬。

青史一藍本。輾轉相倣撫。後人哀後人。此例遂千古。夜寒覽陳編。氣結不得語。忠奸失其真。倒置誰復覩。賢人死不憾。家國惜無補。掩卷送前朝。秋蟲落如雨。

悅耳箏與瑟。繁音奪天籟。炫妝投俗好。恐犯昔賢戒。黃金鑄古愁。不向時世賣。獨抱荒唐思。名山一椽大。

詞章本小道。況匪心所得。浮豔不亟刪。眞悟難強獲。名場

互主奴。高義幾人執。絢目徒一時。外強中已竭。妖紅恆無
株。太素或不葉。君看秋花開。如女有正色。

故人久不見。昨乃登祝融。摩空唼大句。響震千年松。溟濛
下界雨。倒溼遊仙蹤。烘衣翠尚滴。芋火僧樓紅。遠寄空中
書。似有雲氣封。憐余本行腳。夢聽天南鐘。何時築精舍。投
老蓮花峰。

吾詩耽冷趣。白日常冥搜。下筆幽想來。奔赴萬古愁。竹屋
一鐙青。夜寒吟未休。有時不自主。身被精靈收。無人大荒
外。隻影貪清遊。借茲空際濤。吹我胸中秋。唼成似初悟。顧
影疑浮漚。萬山煙雨深。獨立天西頭。

白巖同毛寶君。廖笙陔鄭覲。孫遊衡山。遇雨而歸。四人皆
無詩。以書來告。作九言體。八百餘字。代爲解嘲。

聞君乃作祝融峰頂遠開函已覺雲氣蒸雙眸目迷心炫
準備讀奇作朗吟大句宿疾當全瘳尺書閱盡四顧若有
失意中所必往往偏難售閒園索居想君高興發醉呼明
月便上湘江舟東坡二客君更添其一筆牀茶竈命侶而
搜述綠簑紅笠照影亦清絕卽此蹤迹已不慙盟鷗餘閒
且作四子講德論崇議閣辨駁聽來鱗儵煙波遊湖微同
范少伯雪夜泛剡卻異王子猷瀟湘縹緲中有異人住萬
重綠意深裏漁家幽扣舷高歌呼之如欲出飄飄仙氣結
想眞靈傳胸中早吞八九雲夢澤耳畔惟聽廿五煙騷謳
布帆九轉倏隨落照落山城一角半入浮嵐浮行三十里
始見松下寺筍輿輕快豈必誇鳴騶嶽嶽靈微笑拱手似相
待振衣千仞直上休夷猶七十二峰峰峰豁宿霧四百八

寺寺縣靈湫南天無人下視雲海白疑登岱頂九點橫
齊州。天門青開破空飛電出。赤者如馬黃者如金蚪。雷聲
泉聲合沓難復辨。楓杉栝柏襍以梧松楸。山鳴谷應萬壑
相震動。奔濤咫尺身外成。浮漚此時四山響。沸人語斷但
聞天垂海立搖颼颼。豐隆列缺方嚴逐。客令九天九地頗
覺人馬廋。狂奔狼狽不顧山鬼笑。風聲鶴唳若避仇家仇。
一雲缺處一寺補。其缺敲門急入幸未逢此丘。烘衣解履
滿身霧尚滴。微紅芋火速乞山僧簪。須臾雨止始復返。嶽
廟相視而笑。問有詩篇不眼前。奇景那可乏奇句。此四人
者不答皆搖頭。得無誤信司空表聖說。不著一字謂足稱
風流。玩物喪志或守宋儒戒。朱張理學刻意追前修。兩廡
特豚雖擬下一箸。核諸平日未免相盾矛。二者云云吾斯

未能信勸君且作語不驚人休乾坤清氣萬古凝結處題
詩不稱祇贅煙霞流混沌書眉佛頭着鳥糞何若一詞不
贅猶爲優赤城賦霞僅許孫綽獨廬山詠瀑漫洗徐凝羞
吾曰否否是蓋別有說天所不與人力難強偷古來惟有
才人最橫絕能使眞宰歎泣精靈愁神天萬怪欲遁不可
得山魂石骨一一傷雕鏤山神因之禦詩比禦敵空中鏡
火夜聚羣眞謀停雲蓄雨本爲今日用悉索敝賦不待操
戈歟使彼一身自願且不暇疲於奔命豈復能冥搜誰知
詩人細思計亦得各從其便藉脫詩中囚雖無某卽某壑
紀遊草名山勝概早被心魂收甯我負山無使山負我恒
言不諱更是奸雄尤君聞鄙言心卽當首肯一洗俗見耳
食兼毛求二十年前我本一行腳嶽雲深處定有茅庵卧

蓮花峰頭三生淨業在。塵世墮落欲往嗟無由。他年與君
尋詩復尋夢。芒鞋踏破上界層層秋。向平婚嫁未知何日
畢。故人有約待我山中樵。